



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XII. Markgraf Otto beschenkt das Hospital zum heiligen Geist in Salzwedel
mit einem Gute zu Kricheldorf, am 27. März 1263.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

ut eorum devotioni et extreme voluntati, qui se illic sepeliri deliberaverunt, nisi forte excommunicati vel interdicti sint, aut publice usurarii, nullus obstat, salva tamen iustitia illarum ecclesiarum, a quibus mortuorum corpora assumuntur. Decimas preterea et possessiones ad jus ecclesiarum vestrarum spectantes, que a laicis detinentur, redimendi et legitime liberandi de manibus eorum et ad ecclesias, ad quas pertinent, revocandi libera sit vobis de nostra autoritate facultas. Obeunte vero te, nunc ejusdem loci magistro, vel tuorum quolibet successore, nullus ibi qualibet susceptionis astutia seu violentia preponatur, nisi quem fratres cum consensu, vel fratrum major pars consilii sanioris, secundum Deum et beati Augustini regulam providerit eligendum. Paci quoque et tranquillitati vestre paterna impofterum sollicitudine providere volentes auctoritate apostolica prohibemus, ut infra claufuras locorum seu grangiarum vestrarum nullus rapinam vel furtum facere, ignem apponere sanguinem fundere, hominem temere capere vel interficere seu violentiam audeat exercere. Preterea omnes libertates et immunitates a predecessoribus nostris Romanis pontificibus hospitali vestro concessas nec non libertates et exemptiones secularium exactionum a regibus et principibus vel aliis fidelibus rationabiliter vobis indultas auctoritate apostolica confirmamus et presentis scripti privilegio communimus. Decernimus igitur, ut nulli omnino hominum liceat, prefatum hospitale temere perturbare, aut ejus possessiones auferre vel ablatas retinere, minuere, seu quibuslibet vexationibus fatigare, sed omnia integra conserventur eorum, pro quorum gubernatione ac sustentatione concessa sunt usibus omnimodis profutura, salva sedis apostolice autoritate et dioecesani episcopi canonica iustitia. Si qua igitur in futurum ecclesiastica secularisve persona hanc nostre constitutionis paginam sciens contra eam temere venire temptaverit, secundo tertiove commonita, nisi reatum suum congrua satisfactione correxerit potestatisque honorisque sui careat dignitate reamque se divino iudicio existere de perpetrata iniquitate cognoscat et a sanctissimo corpore et sanguine Dei et Domini redemptoris nostri Jesu Christi aliena fiat atque in extremo examine districte subiaceat ultioni. Cunctis autem eidem loco sua jura servantibus sit pax domini nostri Jesu Christi, quatenus et hic fructum bone actionis percipiat et apud districtum iudicem premia eterne pacis inveniat. Amen. Datum Laterani, per manum magistri Jordani, sancte Romane ecclesie vicecancellarii et notarii, III. idus Januarii, indictione III, incarnationis Anno MCCLX, pontificatus vero Domini Alexandri, pape quarti, Anno septimo.

Benig. Br. Urk. II, 883.

XII. Markgraf Otto beschenkt das Hospital zum heiligen Geist in Salzwehel mit einem Gute zu Kricheldorf, am 27. März 1263.

In nomine sancte et individue Trinitatis. Nos Otto, Dei gratia Brandenburgensis Marchio, omnibus in perpetuum. Cum nos, qui in terrenis honoribus sumus constituti, varia prepediant negotia, ne ministeriis congruis vacare possimus, superest, ut de rebus caducis nobis comparemus amicos, quorum precibus adjuti mereamur eterne felicitatis habitaculum introire. Notum igitur facimus univ[er]sis tam presentibus, quam presentium successoribus, quod ob pii favoris meritum utque in nobis cunctarum rerum conditor et creator dominus Jesus Christus sua bona multiplicet

et infundat, hospitali sancti spiritus apud Saltwedele, adhibito etiam filiorum nostrorum consensu, allodium in Cricheindorp, quod Henricus de Snegha a nobis in pheedo tenuit et possedit, cum omni jure et utilitate, qua dictum allodium actenus est possessum, in agris, pratis, pascuis, silvis, viis et inviis, cultis pariter et incultis, cum aliis attinentiis univcrsis contulimus proprietatis titulo perpetuo possidendum. Testes hujus sunt Johannes de Rossowe, Johannes de Crakowe, Henricus, p̄positus in Soltwedele, Ghereco de Wustrowe, Bertoldus, coquinarius, et alii quam plures. Ut igitur collatio rationabiliter sit peracta, per nos grata et rata ab omnibus observetur et ne ab aliquibus imposterum frivolis infringi possit articulis aut aliquibus quibuscunque questionibus perturbari, dicto hospitali presentes nostras literas in evidens testimonium et robur validum duximus erogandas. Datum in Soltwedele, per manum Johannis, nostri notarii. Anno Domini Millesimo ducentesimo sexagesimo tertio, indictione VI, Sexto Kal. Aprilis.

Nach Leuz Br. Urk. II, 888.

XIII. Der Rath zu Lübeck notifizirt seinem Aldermann in Gotland, die Stadt Saltwedel zur Theilnahme an der Vereinigung in Wisby zugelassen zu haben, am 16. Juni 1263.

Honorabilibus viris et dilectis, Domino Aldermanno ciuitatis Lubyensis constituto in Gotlandia et ceteris conciuibus suis ibidem existentibus aut venientibus ac univcrsis mercatoribus hanc literam inspecturis, Aduocatus, Consilium et Commune ciuitatis Lubyensis salutem in Domino Jesu Cristo. Vniuersis ac singulis notum esse volumus, quod dilectioni et vtilitati amicorum nostrorum de Saltwedele intendentes fideliter, ad petitionem et affectionem eorundem, in sedilia et confortia nostra in ciuitate Wisbuy recepimus ipsos, ipsiſ eam libertatem, iustitiam et leges frui concedentes, que nostrates ibidem habent et hactenus habuerunt, volentes eisdem specialibus amicis nostris tanquam nobis perpetuo observari. Vt autem hec donatio ipsiſ rata et firma permaneat, presentem paginam inde conscriptam confirmatamque sigilli nostri munimine ipsiſ contulimus in testimonium et in signum. Testes vero hujus facti sunt Consules Lubyenses Henricus Vorradius, Johannes de Bardewic, Magistri ciuim ipso anno, Hildemarus, Johannes Campsor, Fromoldus de Vifhusen, Henricus de yferlo, Altwinus de Domo, Altwinus niger, Rutherford, Henricus Albus et Bertramus, Camerarii, Lodeuicus, Henricus Kuro, Engelbertus de Colonia, Petrus de Boizneburg, Tydemannus Wrot, Mako de Kasfelde, Cristianus de Koleo, Jacobus et Consilium uniuersum. Datum anno domini M^o. CC^o. LXIII^o., Dominica secunda post Octauam Trinitatis.

Nach dem Originale des Salz. Archives IX, 3.